

Newspaper	Utusan Malaysia
Date	4 December 2015

Segerakan permohonan baharu BR1M - PM

UM- 4/12/2015

KUALA LUMPUR 3 Dis. - Perdana Menteri, Datuk Seri Najib Tun Razak menasihati orang ramai agar mengemukakan permohonan baharu Bantuan Rakyat 1Malaysia (BR1M) 2016 yang akan dibuka mulai Sabtu ini sehingga 31 Disember.

Melalui akaun sosial Facebook miliknya, beliau berkata, jika layak dan memenuhi syarat yang telah ditetapkan, orang ramai perlu menyegerakan permohonan tersebut.

"Penerima yang sedia ada juga berpeluang mengemas *kini data peribadi masing-masing pada jangka masa tersebut.

"Selain itu, untuk mendapat

maklumat lebih lanjut, mereka boleh melayari laman <https://ebr1m.hasil.gov.my/>," katanya.

Semalam, Menteri Kewangan II, Datuk Seri Ahmad Husni Mohamad Hanadzlah berkata, proses permohonan dan kemas kini BR1M 2016 boleh dibuat melalui portal rasmi BR1M Lembaga Hasil Dalam Negeri (LHDN) di alamat <https://ebr1m.hasil.gov.my> atau www.treasury.gov.my.

Katanya, pemohon juga boleh menggunakan borang permohonan BR1M 2016 atau borang kemas kini dan dikembalikan ke mana-mana cawangan atau pusat khidmat hasil di Pusat Transformasi Bandar (UTC) LHDN.